



補陀洛伽山志
利



補陀洛伽山志卷四

藝文

讚

觀音大士讚有序

唐王勃

蓋聞圓通大士乃號觀音接物利生隨機
應現向乾坤東畔娑竭海中雲濤涌金色
之山聖閣起琉璃之界巍巍寶座凝然居

自在之身蕩蕩慈容皎若現白衣之相身
挂雲羅素服藕絲織而色映寒霜體嚴瓔
珞同心衣縷盤而麗晶皓雪翠迎仙島五
雲之寶蓋玲瓏艷迸摩尼百寶之華冠赫
奕眉橫纖黛如海門之秋月初彎目紺重
瞳似水面之青蓮乍秀齒排珂玉舌瑩紫
檀丹珠一點艷頻婆兩臉朦朧勻琥珀向
靜綠波上圓相舒而有金毫玉毫虛白光

中勝境現而有佛界僊界於是雲雷吐辯
宣諸佛祕密之金言釋梵兩華歎聖德希
奇之妙事獻寶兮有龍王龍女奏樂兮有
天仙地仙向孤絕迥處作津梁於浩渺波
中拔急難尋聲救苦赴感隨緣如萬水之
印孤蟾似洪鐘之應千谷是以經云王法
賊盜水火漂焚惡龍惡鬼毒藥毒蛇或被
人推落金剛山或惡風吹入羅刹國或臨

補陀洛伽山志 卷四
軍陣或值雷霆若能仰告觀音應時即得
解脫菩薩有不思議之弘愿無盡意之神
通悲心誓救於娑婆遺教遍臨于穢土誠
以周塵周刹普應普觀無遐無邇盡歸依
有愿有求皆赴感河沙功德億劫難量遙
望洛伽之山稽首聊申歌讚

南海海深幽絕處碧紺嵯峨連水府號名
七寶洛伽山自在觀音於彼住寶陀隨意

金鰲載雲現兜羅銀世界衆玉裝成七寶
臺真珠砌就千華盖足下祥雲五色捧頂
上飛仙歌萬種頻迦孔雀盡來朝諸海龍
王齊獻供寶冠晃耀圓光列纓絡遍身明
皎潔臉如水面瑞蓮芳眉似天邊秋夜月
繡衣金縷披霞袂縹緲素服褊袒臂玳瑁
珂珮響珊珊雲羅綬帶真珠綴紅纖十指
凝酥膩青蓮兩目秋波細咽頸如同玉碾

補陀洛伽山志 卷四
成羅紋黛染青山翠朱唇艷瑩齒排珂端
坐昂昂却幾何化身百億度衆生幾願沙
河救鼻阿我慚我愧無由到遙望觀音悲
讚歌大聖大悲垂愍念願舒金手頂中摩
觀音滿願真言曰唵阿嚕力伽娑婆訶

留題寶陀禪寺碑

有序

宋史浩

紹興戊辰三月望鄱陽程休甫四明史浩

由沈家門泛舟遇風挂席俄頃至此翌早
恭詣潮音洞頂禮觀音大士至則寂無所
覩炷香烹茶但枕面浮花而已歸寺食訖
與長老瀾公論文殊揀圓通童子入法界
事晡時再至洞下俯伏苔磴凝睇嵌空惟
亂石纍纍興盡欲返有比丘指曰岩頂有
竇可以下瞰扳援而上瞻顧之際瑞相忽
現金色照耀眉目瞭然二人所見不異惟

補陀洛伽山志 卷四
浩更覩雙齒潔白如玉於是咸懷慶快作
禮而退旣而治舟還甬東懼此語無傳用
書于壁庶幾來者觀此無疲厭心不以一
至不見而遂已也迺作贊曰

稽首寶陀山觀音大菩薩三十二妙應垂
福于人天慧日廓圓明微隱無不照我等
由宿植於菩薩有緣曩書一毫端菩薩悉
能鑒今茲一何幸聯檣來寶山淑景得惠

風滄海如鑑淨朝發東秦岸須臾達蓬宮
僧飯洗鉢時相與瞻遠嶠石槁跨巨浪側
足毛骨寒自念塵全身得伴清淨侶同聲
諷密語復念我師名注目謁慈光忽覩紫
金相崆峒石窟上宴坐自在容雲霧不蔽
虧跪禮得良久偕來無老稚咸識應現尊
讚歎且忻歡得所未曾有我念現前衆中
多大福人夕親近我師所禱如響應為我

懺衆惡遂亦見如來同辦起心香復陳一
日供倘以昔積善獲此大吉祥願敦未來
因永託如來記浮生如夢幻孰處教生戒
教戒多素羞廣閱如來藏分陰實可惜棲
遲必山林料理般若船長想菩提岸群生
迷苦海拯援使知津共發向上心世世同
佛會

為昇天衢贊普門品觀音

豫章沙門蒲菴

補陀大士鎮南海弘慈廣度娑婆界三十
二相應群機眼聽耳觀常自在謁若春行
陸皎如月印空一念超去來觸境皆圓通
東吳沙門乘願起筆峰倒蘸九河水於一
毫端轉法花百億毫頭顯真諦一文中現
無盡身一句中含無盡義一文一句妙難
思了心證入三摩地是身非相空名模蓮

花舌香醍醐見超文句會真說普門有
路昇天衢

贊普門品觀音

天台沙門全室

一毫端現菩薩身大悲光相離諸塵無量
句中無量義熾然常說開迷淪圓音徧法
界萬象皆玄文耳觀入真境眼聽融真聞
言詞寂寂相非有心本無生法無咎香風

冉冉散紅蕖甘露溥溥灑青柳普門妙現
色大千物物顯示超虛玄我願瞻依發弘
誓利生同證菩提緣

吳道子畫觀音大士像贊

侯繼高

字繩武號龍泉金山衛
世襲指揮同知今總鎮

一切如來普集禎祥惟觀自在作諸津梁
千百化身隨類說法如昏斯炬如川斯筏
靈通廣惠接引群迷種種恐怖悉證菩提

正覺圓明究竟四諦功德洋洋不可思議
神光瑞相現此梅岑燃指肇感誕衍于今
摹像具瞻奠茲貞石遐邇皈依永綏福澤
銘

清淨境亭銘有序

宋濂字景濂號潛溪金華人翰林學士

補怛洛伽山者在東大洋海梵語補怛洛
伽華言小白華得云山有二皆觀音大士

示現之地其一自西竺歷羅刹鬼國暨諸
魔土始至其境其一即華嚴大經所說善
財南詢之處蓋今所也山絕起海中周圍
僅百里滿望冥茫無際翁洲遠山隱隱天
外如青螺幽閭遼莫不可名狀寶陀禪寺
在山南去寺三里至潮音洞洞脚插海張
願欲飲怒風驅濤進退擊衝作海潮畜故
名洞左佛跡二印石上洞顛通穴天窓白

光注其底如月唐大中間梵僧拜洞前燔
十指禱之指且盡大士為現身說法授以
七色寶石厥後襲以為常人以誠感輒應
或現紫金自在相縞衣被體而縹帶貫之
珠瓔紛然懸或現千首千臂像護法大神
翼衛乎後先可怖可駭稍轉而右為善財
洞嵌岩中坳窈黑不可測外則峻岩壁立
泉甍甍滴下如珠名菩薩泉善財時現黛

目粉面寶蓋華鬘皆明潔可指數從洞折
而北有石類香爐類天鏡類佛牙奇其唯
盤陀石上最寬平可坐百人雞初號遙見
扶桑五色光發照東方盡白久之湧出日
輪赤如火流光燭海波閃爍不定或輕烟
明霞左右蔽虧愈致妍誠奇觀也自石
折而西有師子峯形如狻猊作跳躑之勢
有象岩有佛手峯皆以其形名有三摩地

嘉木櫛森恠石駢列臥者離立者蹲欲起
者迎躍似舞者其他勝槩難可以數計大
抵山在海岸孤絕處重巒複嶂蒼翠如洗
紫蓀白葩濯濯滿地山丹樹高數丈絳花
繞枝鮮澤如珊瑚林黃金沙四布尤璀璨
眩目可玩海水震盪無雲自雷終日轟轟
然頻迦之禽續飛于青空中上下和鳴彷彿
如稱佛號氣象詭曠絕不類人世登高

四顧神思飛動若寘身琉璃瓶中一髮塵
土不得相侵誠霄壤間勝特之境也洪武
庚戌春正月部使者贛州劉君承直與寶
陀大師行丕抱杖西東遊使者曰此清淨
境也蓋為亭大師乃建于寺之南嶺上從
三十尺衡如之左倚山右入潮音洞云予
聞從西方過十萬億國名淨土纖穢不存
以黃金為地寶樹重重伽陵頻迦能演妙

法人思至之有不能得豈意東海之區清
淨之境為頗近之邪是宜大士顯靈于其
地勒銘亭上并叩知唯心之學者大師寧
大基行丕其名郵人也宗說無通行解相
應尉為時之名僧初由佛隴昇主是山匡
衆說法恢復產業而振興乎叢林席者非
茲之可備載故略而不書銘曰大海東涯
厥名維瀛并包川洛混合坤經鯨波四繞

龍島中停濯濯綠淨皦皦青縈片滓弗立
纖塵不驚如蓮出水類鑑含明流雲歛翳
新旭爭熒金沙布地寶樹森屏巨石佛足
嵌洞潮聲大士顯瑞梵童揚靈仙帶翻縹
玄珠垂瓔月相穆穆颺馭泠泠龍君持戟
水伯捧旌衛茲勝持控此高冥倬彼關士
爰謀建亭莫平匪砥有覺惟楹直遯寥廓
將齊櫻寧塵因道窅境逐心清徜徉淨國

補陀山志 卷四
周流覺城敢告來裔庸勒新銘

頌

補陀觀音大士頌 有序

屠隆

夫理有去來宏通之機斯顯位有權實圓
明之妙無方觀世音菩薩者古正法明如
來也如來實相既已臻無上之尊菩薩應
權乃退處大乘之號譬彼國王下攝上將

猶夫宰輔出領監司行教則整遜其權證
道則無改其位何以故蓋如來體尊尊則
下土多于敬畏菩薩地近近則眾生易以
皈依而觀世音心珠朗耀齊妙覺以證三
摩性海澄沆超聲聞以圓四智故善財徧
參其妙法來諸聖之欽崇釋迦授記以圓
通同文殊之廣化般若義深善得法門無
漏仁慈觀孰偏于此土有情揭暗破昏高

懸慧炬消災救苦普施津梁通十方三界
為一界毛竅聲響之悉聞合千有億身為
一身痛癢爬搔之必切流轉迷倒無不哀
憐蠢動含靈咸所度脫雖捷連之救母不
足喻其大悲即恒河之數沙不足酬其弘
願人非人等因物而現自在之身離慾離
嗔隨念以著霧感之效威音伏衆刀兵水
火潛形勝力降魔羅刹鳩槃拱手誦白衣

之號則孕嗣充閭望紫竹之林則漂舫及
岸百戰猛夫睹蓮花洋而魄褫九幽獄鬼
洒楊枝水而魂甦凡夫苦行薰脩頓叩香
臺法座居士至心悲仰立見聖相圓光兜
羅銀界琉璃嵌七寶雕床華蓋金幢瓔珞
映五雲錦帶西成道于天竺迦毗之種既
已星奔東顯化于洛伽娑婆之衆益以泉
涌偏陬陋壤被功德者無涯愚媪村氓奉

香火者恐後照深潭潭潭皆月月止一輪
焚寶鳥鼎鼎皆香香無二性真妙莊嚴無
復唐捐藏秘密不可思議者矣于是弟子
敬薰沐和南作頌曰

大哉法王子

累劫行薰脩

想觀既成熟

漏盡得無碍

圓明了一切

十方咸照徹

剎那千手眼

或億萬化身

恒河沙世界

悉歸掌輪中

大千蟻螻形

亦如螻蛄響

所有微塵众

如來悉見聞

所見亦非自

所聞亦非耳

由通妙明性

而融耳目相

隨物皆應現

巍巍不動尊

尋聲救苦難

疾于激弩矢

誓拔度众生

普徧娑婆土

乘彼弘願力 亡不得所須

譬如汲海水 盡瓮盎甌罍

咸令滿足去 大海不減損

願苦惱眾生 一心歸命禮

或頌阿哩耶 或稱帝濕伐

觀音肝蠻至 拔汝出苦海

偈

普陀山觀音偈有序

古并崇善住山鴈門野衲了菴性徹

余洪武十七年孟夏上旬泛海遊山諦

觀聖境頓見水天一色淨若琉璃萬象

森羅炳然齊現所覩靈異難以具陳是

故踊躍歡喜自不知形身在于人間世

也信知如來說華嚴時入海印三昧豈

欺我哉偶于洪武乙亥冬夢遊是境與

昔無別遂乃焚香遙禮輒伸鄙見觀偈

贊曰

菩薩常居娑竭海悲願弘深無向背分明
化境滄海東應現諸方無不在所證三摩
地那分西與東突出摩醯眼八面虛玲瓏
海印發輝炳然現懸河四辯明真宗花開
小白岳天香吹徧界紫竹梅檀盡做林孔
雀頻迦歌梵唄昔年親曾海上遊靈山倒
卓波面浮可是圓通真境界白衣妙相乘

蓮舟四圍縱周覽浩渺難可窮上極通霄
漢下瞰龍伯宮波光瀲灩吐陰火潮音日
夜號天風雲鋪白銀界地布黃金沙琉璃
相間錯有若優曇花盤陀上看扶桑日紅
輪湧現猶天車覽斯妙境非實相普門示
現如夢想幻出樓臺縹緲間寶網珠光遮
輝朗聞聲豈是聲見色原非色別是一壺
天智識誰能測經行宴坐水晶宮受用風

清與月白十聖及三賢到此應難渡萬派
涸漩任參互潛流密布四神州潤濕群萌
為雨露我今親禮贊惟垂遙鑑知併却見
聞知覺掃除語默離微徹底揭翻生死海
普令頓證佛菩提

吳郡康時萬等捐貲造印妙法蓮華
經二十四部送南海千步沙海潮庵
大智法師處供養志信道人王世貞

為偈一首護持

號鳳洲南京兵部侍郎太倉人

妙法蓮花諸經中王我觀世音菩薩中王
衆善知識合造此經二十四部歸于普陀
大士道場妙音梵音與海潮音罔晝夜間
一切聖凡能轉此經縱看經轉功德大小
永不唐捐我見是刊故說此言鳥王龍王
脩羅波旬皈依護持有毀侵者頭破七分
書補陀洛伽山寶陀禪寺刻大士像

碑偈

楚人龍德孚號玄扈寧波

補陀洛伽淨聖普門尋聲拯苦億萬化身
普門無住化身無生無生無住般若心經
摩訶薩觀世音

寶陀禪寺恭謁大士偈有序

佛弟子陳至孝和南

弟子少小時聞人稱念觀世音菩薩名

號即生敬心及長聞補陀洛伽之勝益
懷欽慕奈碌碌風塵業緣未斷烟波灑
漾何由自致今辰瞻禮大慰夙願歡喜
無量謹稽首皈依而作偈曰

稽首大慈尊正法明如來佛號恒河沙獨
稱觀自在功德莫思議云何復讚歎奕奕
小白華海岸孤絕處說法聖道場十方悉
崇奉弟子濁世士陷身火宅中煩惱及恐

怖種種未解脫一念皈依心若有夙世根
今日叩梅檀如聞親授記願賜濟慈航接
引登彼岸

禮普陀大士

天台山幽溪除饑男傳燈合十和南
稽首觀音大悲之主我今說偈畧讚所以
所以者何所謂三摩菩薩證入常住寶陀
寶陀山在今之南海世界有壞此山不毀

山居世界云何不壞誠由菩薩心得自在
心自在故山亦堅固境即是心迷亦成悟
故菩薩身坐紫竹林微風吹動常演法音
金沙布地七寶為砌功德之香白華泛瑞
青青楊柳四時常有水盈淨瓶塵不能垢
潮音洞中常顯神通出沒無碍其由履空
盤陀石上毫光常放一切眾生莫不仰望
以仰望故來者沿路為求菩薩作彼依怙

普門法身志 卷四
菩薩大聖感無不應隨彼所求惟愿是聽
欲演法音先為現身十法界象不出一心
盖此一心具無量身此一身橫廣豎深
此一介心誰人不有众生循聲自生過咎
菩薩妙智不同於世從聞思脩入三摩地
無量劫中證此圓通超世出世異而復同
以由同故能覺迷悞众生蒙此遠離恐怖
故菩薩身或現千手無非示現众生本有

於一手各有一眼众生千眼亦復不減
從此一千增至八萬普令众生即心成辦
蠢蠢之曹各具塵勞即障顯德道固匪遙
既現身已乃為說法大小偏圓渡河之筏
身而無身說而無說澗畔松風水中明月
以無身故無所不身高低嶽瀆普現色身
以無說故無所不說遠近潮音出廣長舌
即此形聲號曰普門我於日用無不見聞

唯願菩薩令我開悟一超直入妙莊嚴路

律壇釋傳如

大悲觀世音成就自在力於聲旋聞機所
亡聞性寂不啻浪前塵能聞亦無住無住
之覺空空覺盡圓極圓極生滅滅是成真
實滅即滅演妙相以入微塵國相由心妙
故無相無不相或現百千首或現千萬臂
所現目亦然斯由本來具或在極樂國輔

佐無量壽或在堪忍界亦佐於寂默釋尊
已示滅大士當何在南海中有山其名小
白華菩薩之妙身現於山之上山奚名白
華菩薩名自在以白離諸染自在無煩惱
以離染污故能現一切境以無煩惱故能
聖一切生故大士所證身處咸稱妙依正
微妙故乃所謂普門誰謂我無耳出流正
奔逸誰謂我無心煩惱正擾亂誰謂我無

處所依皆染著展轉唯塵勞曠劫沉障碍
今唯大士歸示我圓通境悔昔聲色迷眼
耳莫易地今於音云觀所視亦非色知觀
不住觀是名觀世音了無住而住是名觀
自在

補陀洛伽山志卷四

補陀洛伽山志卷五

藝文

賦

海東盤陀石觀日賦

吳萊

粵東游於海徼兮得偉觀於陽阿登盤陀
之疊石兮路畏縈而嵬我天雞號而夜半
兮暎欲出于重波恍玄幕之垂黑兮惛火

輪之盪摩緬義和之有御兮扶木燁其將
華渺暘谷之不可以里兮屆高春其幾何
嗟世寰之安在兮尚昧冥而未旦覩帝車
之斜迤兮耿星宿于霄漢漸島嶼之喬鮮
兮益淼茫而瀰漫恐闐闐之猶尔夢寐兮
類蟄虫之惛亂明乾極之牽掣兮儼機軸
之翕張固陰泉之歛烟兮煥燄燧之奮颺
煒駿鳥之燿媚燦爛兮渴啄解羽貌以迭

碭或有燭龍之燉炳颯星兮熾額煽目頒
其方驤懸燿鏡之熒灼炭熇兮鮫人泉客
副濯有光振頰鼓之焱燼炫輝兮北若壁
壘嶽嶙前行指彩虹之抱戴珥璫兮璀璨
燻爛繆綢適皇想朱鳥之次舍軌度兮豁
達蘭轆何間燿鎡乘寒滂潮水之偵倒推
盪兮散曉赧霞氣之軫轄彩章乃飛騰于
寥廓兮竟瞑眩於混茫繫高抗乎氛曠兮

僅啓明之獨燦歛遠麾之磨燭兮遽群動
之盡躩川后潛精而窟藏兮海童覩燿以
犇愕鮫鼉揚鬣撥鬣以悠漾兮鴻鶴刷毛
挾翅而陵薄莽瑯琊之躋臺兮泐鯨山而
晝其燬也間羅浮之矚井兮混蜃穴而夜
其燭也迅夸娥之杖策兮懼追逐而莫之
跳遠也怒魯陽之揮戈兮恠盤礴之弗吾
規護也惟圭臬之可測兮奈隙駒之焉託

恒鞠明而究腫兮遂壯凋而老鑠昔聖賢
之有法兮寔蓋渾之同天矧鍊石而凝質
兮復斷鼇而鎮淵將渤澥之鑿竈兮淪谷
底而迭燃抑崑崙之嶮峙兮繞岩腹而互
旋豈文身黑齒之俯邇所出兮貫裸壤以
相連或淹滋濛汜之遠壓所沒兮罄八國
之窮塹歎巖冰與颺雪兮曠古莽之鮮覺
常眠惕重蒸與疊藝兮焮炎丘之毒瘴霾

烟諒衆人之懜愜兮持蜂蟻之撲緣偉小
 兒之辨知兮雖睿哲而弗宣彼凡俗之多
 故兮遇曙朝而即竟誠旦晝之枯亡兮嚮
 晦昏而暫定紛士學之攘爭兮集農商而
 斲迸淫末作以相資兮侈利心之百穿倘
 桑榆之不復滅沒兮盡奪時而力政願鬱
 儀之恒若溟滓兮庶保躬而固命噐曉善
 而催闕兮警宵柝而告靜信舉筴而豫

兮幸聞鐘而深省何觀瞻之不足兮重徙
 倚以盤桓光已通于一躍兮影奚候于三
 竿逮層溟之畢露兮屹東霍之巖巒念列
 仙之獨往兮扼羨門於波瀾劃孤嘯而陟
 降兮撤蒙部以欣歡顧秦越之邀不相及
 兮又焉論夫遠近于長安

詩

普陀岩應制

元吳興趙孟頫集賢學士

縹緲雲飛海上山掛帆三日上孱顏兩宮
福德齊千佛一道恩光照百蠻澗草茁花
多瑞氣石林水府隔塵寰鯨生小技真榮
遇何幸凡身到此間

登普陀

元天台劉仁本江浙分省郎中

金碧玲瓏塔影凖綺霞香霧濕踈窓蛟人

織貝為華蓋龍女獻珠持寶幢震海雲雷
音縹緲彌山潮汐響春撞願求示現將軍
相一鼓群魔盡攝降

又

前人

一輪寶月海波澄海上觀音現大乘劔珮
鬼神來剌剌烟霞樓觀起層層燒香使者
天台客說法高人日本僧安得此身生羽

翼還從彼岸快先登

同遊普陀

龜茲盛熙明

縹緲蓬萊未足誇海峯孤絕更無加入門
已到三摩地攜手同遊千步沙碧玉鏡開
金函蓄珊瑚樹宿白頻迦殷勤童子能招
隱共采芝英和紫霞

又

前人

驚起東華塵土夢滄洲到處即為家山人
自種三珠樹天使長乘八月槎梅福留丹
赤如橘安期送棗大於瓜金仙對面無言
說春滿幽壘小白花

夕泛海東尋 岑山觀音大士洞遂

登盤陀石望日出處四首

吳萊

山月出天末水面生晚寒扁舟劃然往萬
頃相渺漫星河白搖撼島嶼青屈盤遠應
壺嶠接深已雲夢吞蟠木繫予纜扶桑纓
我冠寸心役兩目少試鯨魚竿

其二

起尋千步沙穿石塞行路怒濤所縱擊徒
以頑險故卓哉梅子真與世良不遇上書
空雪衣燒藥迺烟樹玄螭時側行縞鶴一

迴顧從之招羨門滄海書多霧

其三

茫茫瀛海間海岸此孤絕飛泉亂垂纓險
峒森削鐵天香固遙聞梵相俄一瞥魚龍
互圍繞山鬼驚變滅舟航來旅游鐘磬聚
禪悅笑撚小白花秋潮落如雪

其四

長嘯山石裂我今在東溟游日出重徼塞

衣窮絕陁奇氛抱珥赤遠影摩空青想像
暘谷水徘徊燭龍形晨昏相經絡稚耆不
得寧豈若柯斧爛看棋了千齡

贈補陀僧

程巽隱

左僉都御史
靖難死節

中國有僧來日本鐵船過海是耶非三更
地底金蓮出萬里雲邊白鶴飛性本圓明
能作佛跡無拘礙却忘歸五臺到日應殘

臆看取天花滿衲衣

普陀山十二景

陽明王守仁

兵部尚書
新建伯

梅灣春曉

梅老丹成幾百秋灣頭仙種為誰留春風
秀孕和羹味曉日光生索笑眸有主未須
論代謝無詩何以慰觀遊還當喚起羅浮
子為問靈鐘若個不

茶山夙霧

好山遠峙海濤南
瑞草瑤花自不凡
鐵色青籠煨楮鼎
寶珠紅暎老禪龕
夜來陰靄層層鎖
曉去靈氛款款緘
所幸東方烘慧日
高枝猶得帶春銜

古洞潮音

開闢而來洞即恢
萬年潮汐此中回
玲瓏不假人彫琢
吞吐惟聞聲傑魁
遮莫陽侯

驅萬馬依俦長子
逐犇雷慈悲大士
潛光地孰是真修
許後陪

龜潭寒碧

靈潭誰錫寶龜名
神后儲精脈絡并
氣逼層霄天一色
光含觀日玉
雙清百花工部
饒唵句紫石虬
王空釣鯨竊勺
願將克鼎用調元
贊化壽堯朕

天門清梵

石門高敞自天開
撐住乾坤一柱臺
萬斛紅塵飄不到
千聲贊唄送頻來
喃喃盡把凡心洗
颯颯如將智果栽
我亦欲除煩惱
髮此中小住勝蓬萊

盤陀曉日

疊石峩峩聳玉盤
登登曉望日團團
蒼涼難決兒童辨
和煦旋生寒士歡
駕海不須崔昱捧
過磚應笑李程寬
僧窻影透休相

問且看乘風鵬翮搏

廣演清虛塵不揚
靈沙入望闢玄黃
不煩須達金鋪遍
自是周王馬歎光
鳥篆平風分闔闢
僧炊作飯示行藏
大千世界無踰此
有主新營選佛場

蓮洋午渡

金蓮曾訝滿洋生
大士神通成此名
萬衆

朝宗心月皎千航爭渡午風輕中流不辨
王侯貴兩岸惟聞祝頌聲所願鱣波寧法
界光昭海宇谷昇平
日照鑪峰一炷飄亭亭烟靄翠翻濤恍疑
龍腦焚金鴨不是婆膏散玉稍瑞氣氤氳
籠海甸祥光繚繞拂奎杓衆生見此真如
境萬劫塵心隨篆消

鉢盂鴻灝

巨浸南來一鉢浮奇形惟肖守清留隨波
上下涵天鏡共艇飄揚偏蜃樓紛若干流
歸一白茫然萬頃漾三洲望洋愧我徒興
嘆彼岸先登讓比丘

洛伽燈火

海涯絕處洛峰青永夜誰然大智燈為彼
昏迷沉苦海引他癡暗出夷庚半明半滅

風濤壯時去時來龍罔驚珍重緇流動頂
禮莫孤大士顯神靈

靜室茶烟

習靜修禪佛即心地爐茶鼎不燒琴松風
嚮處龍團沸宿火燃時瀝氣森一抹青青
驚鶴侶幾枝細細起檀沉客來五椀清肌
骨聽講陀羅觀世音

遊普陀

陳獻章

號白沙翰林檢討
廣東新會人

元氣茫茫混太虛天吳簸蕩撼坤輿千年
木石勞精衛百代波流會尾閭月下明珠
鮫女溼雪中飛觀羽人居秋風吹老珊瑚
樹不見麻姑錦字書

又

前人

一花初起白龍堆萬騎長驅石壁開碧海

有山都是雪青天無雨只聞雷秋高鴻鵠
排雲去夜靜蛟龍出穴來借問乘槎向何
處五雲咫尺是蓬萊

寶陀禪寺

前人

寶塔凌空十丈高倚闌南望際鯨濤天花
散處皆金地海月生時見玉毫夜氣澄清
龍在窟秋風蕭爽鶴鳴臯丹梯只尺諸天

近香霧霏霏濕宇袍

贈補陀僧

前人

上人飛錫處來去即虛空金沙隨地涌碧
海與天通憑高惟鳥道直下是龍宮瀑飛
寒澗雨松挾夜濤風度嶺三山鶴橫天萬
里虹望中秋色遠浩氣入無窮

又

前人

僧言海上來曾上妙高臺瑞相天浮月潮
音地殷雷沙如金粟布山似碧蓮開雨帶
龍腥過雲隨鶴影迴幽探還得寶徑度不
須杯我有登臨興南還識善財

補陀洛伽山作二首

萬表

號鹿園都督

不為名山往將因法喜探波聲撼佛座松

色暗經函天女咸悲仰童真亦屢參捨家
猶畜髮長此事瞿曇

其二

掛席凌澎湃長風兩鬢飈俄然見宮殿出
沒在波濤龍女呈珠貝如來現玉毫直將
超世界詎獨解天弢

贈南海真上人 有序

太倉王錫爵

號荆石武英
殿大學士

已卯莫冬偶過梁溪遊綠蘿僧舍得
遇海上真山和尚持冊叩求一語為
渡海行色奈何病魔未除詩魔復擾
不足為僧諦因也

臥病不理塵緣事逢僧聊悟迷途言此心
解脫不易得問爾誰開不二門

補陀洛伽山作四首

陸先祖號五臺南京
刑部尚書

天抱琉璃宮鰲柱不見底誰騎香象來明
月弄空水

其二

山椒石壁寒沙岸水痕泐濤聲日夜喧禪
心自空寂

其三

白馬駝經來乃在大海外誰知震旦中有
此無色界

北無其四

寶殿低秋浪
踈鐘八夜風
身心無處着
始悟本來空

馮夢禎

字開之號具區翰林院編修

西教東流到補陀
金蓮花發映娑羅
星河歷歷黏青漢
島嶼纍纍浸白波
龍獻寶珠歸象罔
僧留香飯與龜鼉
我來欲發如來藏
老偏寒松學鳥窠

贈大智禪師

雲間素福徵

字履善號太冲刑部郎中

慧燈西竺發分向
海中懸入定渾無
相出關覺有緣經
翻龍淨鉢禪就鶴
開筵我適天然趣
圓通亦復然

又

前人

五嶽乘驂大地全
東行盡境宿蛟川
身將

航海離塵界眼合觀音破世緣戲弄兩輪
朝暮際縱觀粒芥吐吞前半生牢被浮名
誤苦行持修妄冀仙

天然又

前人

霞光絢錦沃丹明瞬息波澄浴日平月魄
朏從幾望出海神迎倘化城行潮來淫鬻
千聲疊日出稀微五色呈淨土幸容高枕

在望行祈夢托長生

贈南海真上人

繼山王鑑

鴻臚寺卿
無錫人

茫茫苦海競浮沉若個觀空了宿心底事
南來走塵俗一盃還渡海潮音

贈大智禪師

黎民寰

布政使廣東人

偶來雙樹下依止遠公房
簷蔔飄香氣娑

羅露月光風幡如暫解雲水自相忘欲證
無生義惟須徧十方

贈南海真上人

錫峯胡濬 御史

幾年幽夢關山棲水月禪心媿自迷歸到
普陀因問我白雲深處海潮西

遊普陀

黃道明 號誠吾光祿少卿新安人

幻地樓臺接海天神魚浪裏戴金蓮誰從
鸚鵡窺三昧自向軍持得四禪我相不因
人相見法門遙逐普門傳慇懃來乞生生
諦彼岸欣登大願船

贈南海真上人 有序

孫繼臯 號栢潭修撰無錫人

南海真僧以乞惠至吳隨願畢力及
歸遍索偈語余方復命北上因而

成之

我昔沉迷津隨波流泮渙因師悟上乘舍
筏登彼岸

登補陀二首

劉尚志

號景孟海道
副使皖人

欲問如來何處尋寶輪空裏海濤深朝看
絕島開龍象夜聽寒潮落梵音萬頃風雲
浮碧玉九天日月布黃金閩州恍在藤蘿

外夢入西方不住心

其二

海上鮫宮湧玉波中流說法指恒河羞將
朝市隨塵劫却倚烟霞臥女蘿祇樹風高
靈鷲宿香臺秋冷落花多諸天况與蓬山
接應有僊人出大羅

神遊補陀四首

姜子羔

號對陽苑馬
寺少卿

一笑凌風大海間
天光上下洛伽山
從今不跨茅龍去
手握尼珠任往還

其二

忽然飛渡海雲東
海色澄清霄漢通
借問此心何所似
白雲映水月當空

其三

偶來東海逐飛鳧
飛入香臺失故吾
回時却恠頭陀在
咲問真空今有無

其四

風清銀海滢琉璃
天際盤陀頃刻躋
莫道渡河仍用筏
向來身世本無倪

補陀洛伽山四首

龍德孚

字伯貞
號玄扈
武陵人

望來鼇柱祿無涯
海上孤懸小白華
說法臺高開寶藏
潮音洞迥湧金沙
扶桑夜沸三更日
祇樹光生五色霞
我亦有冠慚未

挂梅岑何處覓丹砂

其二

震旦三山世並傳
白衣說法大中年
西方佛降光明界
南海宮臨水月天
淨土雲林開紫竹
大洋風浪湧金蓮
何當便枕盤陀石
真歇閑頭息萬緣

其三

寶陀貝闕大洋中
雪棹風颿萬國通
不夜

聖燈懸鷲嶺
鈞天仙樂繞龍宮
現來妙相無還有
悟到玄虛色即空
酸面浮花原泡影
應知水月是參同

其四

瑞蓮疊疊產椒房
中使馳恩出上方
惣為梅林尋善果
特來淨海渡慈航
天孫綺繡雲霞色
龍藏琳琅日月光
從此三摩皈大地
何如七寶獻明王

補陀十二景有序

前人

志載陽明先生十二詩大非先生口吻
疑解事癡兒借先生以傳德孚漫借其
目詠之得無後人復咲後人也

梅灣春曉

凍花吹破老梅紅結就丹胎白雪中一自
挂冠人去後踈枝冷蕊咲東風

茶山夙霧

戲來龍女寶珠紅高挿春山照碧空初日
喜微抹輕靄墨花色相有無中

古洞潮音

濤聲澆澆撼叢林洞口澆泐思不禁覺夢
喚醒觀自在海潮音勝世間音

龜潭寒碧

霧龜曾負使臣舟大士尋聲海不流自是

慈航淨風浪一潭寒浸月明秋

天門清梵

彌陀峰畔通玄徑直透西天不二門紫竹
栴檀散清籟人天別是一乾坤

盤陀曉日

盤石亭亭踞海東霧根直與虞泉通六螭
輕運懸車力碾出朱輪半夜紅

千步金沙

陀羅彼岸雨天花散作黃鋪十里賒不是
三摩地上脚可能步步踏金沙

蓮洋午渡

大海洋中大願船玉蓮滾滾自當年中流
宛見空花湧慧日光浮白浪天

香爐翠靄

孤峯倒插海中央一縷青烟萬劫香漫道
洪爐空色相博山原在水雲鄉

鉢盂清灑

法傳六葉已無言借渡東洋任水翻天吳
識取不敢受捧向波心供普門

洛伽燈火

慧光寶炬照迦陵大士燃來大智燈無明
明盡霧明現傳與人間最上乘

靜室茶烟

石鼎松烟裊翠微翻殘貝葉掩荆扉山僧

出定渾無事徙倚雲林看鶴飛

補陀洛伽歌

前人

震旦佛國三道場大乘了義證真常五臺
清涼出汾晉峨眉黑水流華陽小白華山
棲大士西教東被海中央絕岸孤懸淼無
涘驚濤湍激難為航蛟門澎湃急于駛雷
山島嶼羣相望霜礁谿砮石門洞雪浪崩

清蓮花洋舍筏支印定幾許紫竹梅林入
上方上方峙者太子塢寶樹山茶匝道芳
精藍紺殿雙峰下說法靈蹤歷宋唐莊嚴
相擁蓮部主天竺浮來梅檀香逶迤步入
潮音洞鋪地金沙十里黃圓通嶺岫逼漢
表玲瓏窻石涵天光聞思修入三摩地正
法如來普化鄉顯應徃徃此為著瓔珞金
容七寶妝有時聖燈閃靈鷲有時天樂鳴

鸞凰有時仙花浮醜面有時童子參座偏
有時吼聲振獅子有時聽法來龍王泉客
解獻珊瑚樹江妃亦施珍珠裳蓮臺寶座
韋駝護梵呪靈音水恠藏尋聲救苦事更
僕普度閻浮功無量太乙攢峰列羅漢六
丁劈窟名金剛龍女洞深色宵宵菩薩泉
滴聲琅琅竒觀更有磐陀石燭龍駕日騰
扶桑百步沙頭海潮出禪悅新開水月堂

別有高僧厭人迹遠從絕巘構竹房晚來
時忽聞烟磬欲往無處尋雲廊竒巒恠石
錯起伏珍禽琪草紛頡頏肝蠻不絕頂香
者六峇課列沙彌行鳥窠石屋自寮舍丹
州青精足稻梁總緣愛河世汨沒特於苦
海人津梁皈依不獨娑婆國聲教漸摩遍
八荒天吳馴化鳴夷伏鯨鯢辟易波不揚
大明天子闡宗教琅函寶藏頒龍章龍章

慧日爭輝煌鴻圖聖壽同悠長不然羸身
與漢武蓬萊方丈何渺茫

洛伽山

張子瑫

號石里光祿寺少卿

嶙峋僊界錦城堆寶樹瓊花面面迴勢壓
海門鰲背重光瑤島嶼蜃樓開層巒徧向
雲間出飛瀑全疑天上來自是修真竒絕
處何須弱水問蓬萊

禮洛伽山四首

沈一貫字有吾號蛟門吏部侍郎
積水中開梵帝宮孤颿高并列仙風始知
四大浮空住別有三天護法雄肅拜聖儀
明滅裏迴看人世有無中殷雷欲裂潮音
洞何處西方更發蒙

其二

近有三生紫竹緣何須十地與諸天獨騎
香象開龍國故擊霧鼉撼蜃川銀浪秋掀

天影澹金輪朝發海光圓但將一勺澄心
地舉目千花盡是蓮

其三

妙應峯頭披世氛盤陀石上攬晴曛大千
毫髮空中見諸佛威音定裏聞虛唄自隨
龍鬱律天香惟與鶴氤氳三山近立祥河
外盡為金僊駐彩雲

其四

巢頂孤僧坐似懸更無色相與區緣蓮花
寶界龍腥薄蘆蔔香林鳥性圓繞唾巖珠
尋到海乍飛月鏡已升天真無水色寒能
照假有山光亦自鮮

弔普陀

三吳玉江楊尚英

前任
總鎮

短棹飛帆出海隅海天浩蕩總虛無潮音
洞口雷聲急淨體池中月影孤石塔巍巍

存舊跡法臺寂寂滿新蕪蓮花洋內神光
現萬古相依一鉢盂

遊普陀

黃應甲

字汝第號兩湖前
任總鎮安慶人

普陀巖上風颼颼吹落僧伽對面浮雲過
蓬萊成粲爛水經滄海謾悠遊浮沉造化
三千界吞吐乾坤幾萬秋天為皇明安
社稷常教砥柱峙中流

寶陀禪寺

三千界本出真如
春日戈船海上來
偶從勝地一登臺
千山雨霽晴光見
萬壑烟消麗色開
大士所居真淨土
飛仙何處是蓬萊
滄溟極目無窮思
掃盡鯨鯢始快哉

潮音洞

前人

有此乾坤有此岳
烟霞深處境非凡
巨壑剖破神仙窟
大士宣揚祕藏緘
洞口潮聲如吼虎
竿頭刹影似飛颿
昔平莫負探奇興
漫賦新詩石上劖

海潮庵

前人

行行千步踏金沙
路轉崇岡一徑斜
我佛西來觀自在
洪濤東去浩無涯
潮音入座

龍聽法梵唄穿雲鳥獻花僧向五臺飛錫
遠精廬深處即南華

盤陀石

前人

天門西去是盤陀此日乘閒一暫過東望
扶桑瞻旭日俯臨渤海瞰滄波群峯矗矗
遙難盡亂石離離竒更多最是霧巖人罕
到喜從勝地識三摩

寶陀禪寺

梅魁紫霞山人

寶陀仙山滄海中石蓮無跡水溶溶鐘聲
縹緲連三島雲氣蒼茫護六龍直上天門
觀勝槩聊憑詩句紀行踪慈悲大士能相
感數道霧光起貝宮

龍女善財洞

前人

雪膚蒼貌紫霞裾
幾駕蒼虬下碧虛
仙跡尚留青海上
珮環遙向玉樓居
雲封洞口塵氛寂
潮漲沙頭月影孤
欲就此中求至理
本來妙相一明珠

遊補陀

盧述

號思齋前任叅將江西寧都人

普陀雨霽春初曉
若木烟消萬象分
一塔插空山捧日
九夷入望水連雲
先生劍戟

冲霄漢氣奪鯨鯢
淨海氛氳首空王
酬帝德清時解甲
愧無文

吳允忠

號全吾寧紹叅將山陰人

重謁普陀觀浩淼
華夷只尺海潮分
蓮池早浴扶桑日
寶塔常迷瀚海雲
說法老僧開淨土
橫戈將士掃妖氛
英雄事業須回首
擁衲來繙貝葉文

又

前人

一別名山已五年重來世界更堪憐風微
法座爐烟裊月迥清霄塔影懸寶劍雙懸
酬俠氣袈裟一着是初禪乾坤浩蕩慙無
補弓掛天山許結緣

寄題普陀一首

邵城中號守叅刑部郎

迢遞霧山播九垓金蓮長此結層臺琳宮

俯瞰鯨波閃寶座遙連蜃氣來苦海千重
天際沒慈航萬里日邊回何年事了皈依
去願借楊枝水一杯

寄題補陀

宋應昌號桐崗副都御史

洛伽山浸海波中大士西來彼岸通不是
世人迷苦海肯教說法到天東

沈家門阻雨喜晴二首

或來門出雨喜傳光宅

號金沙監察御史聊城人

海風吹雨失千山
幾日藏舟翠壑間
忽放光明遍三界
青蓮一葉水雲閒

又

雲海慈航一葦輕
身隨大士踏空行
波光東去通夷國
烟島西來擁化城
夜吼潮音千壑應
寒飛花雨四天明
塵心到此清如水
丈室吾將擬淨名

恭禮補陀大士八韻

翠壁千重盡滄溟
萬里開龍宮吞日月
蜃氣擁樓臺五嶽誰飛錫
三生此度杯地疑人境外
身似梵天回紫竹藏鸚鵡
青蓮見善財海神聽法至
天女獻花來慧眼觀千
界潮聲振九垓
皈依持半偈
甘露灑塵埃

盤陀石

片石孤危倚碧空
振衣八面來天風
海波

晴起千山動日躡扶桑萬樹紅

達摩石

峭壁孤峰大海隈何年羅漢此飛來焚香
欲叩安心法片石無聲語若雷

太子塔

大士分身海上山浮圖長此鎮禪關不知
萬派滄溟水流到天涯幾日還

潮音洞

紫竹林深寶洞開潮音無日不飛來誰能
直入三摩地白玉光中禮善財

登舟過鉢盂大風阻迴

為叅初地淨塵埃一片青蓮火上開我戀
名山山戀我風濤故遣去還來

贈大智禪師

寶地新開大海邊法壇長日擁諸天慈光
會滿三千界苦行先經六十年五岳煙霞

孤錫迥萬川水月一燈懸不知再見應何
日一片心依智者禪

贈朝陽禪師

不戀貂璫富貴天空山寂寞擁蒲團海潮
日夜法音轉七寶林中玉鏡懸

贈映天禪師

曾從西海泛慈航分得天衣紫貝光絕島
却留金錫駐蒲團冷坐靜焚香

贈本空禪師

寶樹參差竹作林茅菴不受世塵侵老僧
悟法空諸有朝暮惟聞清梵音

贈望雲上人

數畝山田手自耘心香一炷靜中焚閒來
坐入真如境海日光中望白雲

贈一乘上人

海山深處有高僧妙法曾參第一乘方寸

自能清似水浮雲底事愛還憎

贈幻菴上人

以上俱前人

竹杖芒鞋百納衣飄然山海片雲飛為探
龍藏傳心印寒雨空巖獨掩扉

送南海真上人

西陵蔣仲仁

南海孤峯接太陰上有梅檀紫竹林禪師

欲向此卓錫一杯輕渡遠山岑

崑山顧祖英

翠微揮手拂烟蘿又掛春帆渡普陀禪觀
乍開香海色長依大士證多羅

普陀十二景

王世科號桂峯都督
杭州人

梅灣春曉

割愛吳門隱仙成入海灣飄然蟬脫羽超

矣鶴歸山曙色籠丹竈春風駐玉顏昔年
勾漏令千載孰躋攀

茶山夙霧

青山標海曲芳樹倚雲隈霧氣侵晨卷花
神俟日開氛氳偏有景縹緲更難裁不減
珊瑚價清同雪裏梅

古洞潮音

洞緣山邃闢潮自海門生歲月積無外朝

昏漸有聲空中誰是相覺裏更何縈話及
參禪處令人百慮清

龜潭寒碧

龜龍原一種分派洛伽陽碧滙百川水寒
飛千歲霜藻浮蓮吐瑞月映蚌呈光宇宙
雙青眼週旋大士偏

天門清楚

誰把慈山闢天成一段奇石門開嶰谷梵

境臥咸池苦海清如洗塵心淨若漪無緣
飛不到空結片帆思

盤陀曉日

一石盤山頂寬平可息肩登臨瞻旭日恍
惚覲鈞天昏色移時散辰光頃刻圓萬方
君德顯寒士沐恩先

千步金沙

孤絕蒼茫岸平沙爛爍金不惟分鳥篆自

是別龍吟大士停雲念高僧作炊心洞天
三十六第一此禪林

味刺蓮洋午渡

鐵舟輕似葉滄海亦生花不是金蓮座無
非玉女楂慈雲領東渡慧日肯西斜自此
崇觀聽何妨禮法華

香爐翠靄

東洋棲福地南海闡禪宗綠水為襟帶青

山作戶墉天門通鳥道梵宇對鑪峰不斷
香烟遠層層翠靄封

崇德鉢孟鴻灝

萬派歸源處諸天亦向東金盃山獻鉢清
響水飛空不覺蓬萊近因知方丈通鍾聲
和佛號入聽大都同

三十洛伽燈火

山靈僧舍集燈火夜朝親隱隱慧光現山

山寶炬陳雲霞爭絢綵風雨亦生春人事
付岑寂餘輝被遠臣

靜室茶烟

禪室本來靜清茶亦止煩掃松燃早汲倚
竹報初溫不逐龍團去還隨鵲舌翻爐烟
纔一縷七椀豈空言

又補陀山八景

前人

梅岑山

梅福當年寓此山
迄今陳跡海天環
不聞葉落秋長往
祇見花開春自還
茶竈藥爐雖寂寂
雲岑月竇尚班班
芳聲迥出煙霞外
葛嶺吳門伯仲間

善財洞

疊嶂重巖梵宇開
香烟靄靄臥蓬萊
曾聞說法馴童子
即是參禪悟善財
洞口雲霞

時變幻壺中日月總
昭廻迷途覺境誰知
岸都仗觀音點化來

盤陀石

轟轟青山一石盤
百人可上勝憑闌
西窺天竺除煩惱
東望扶桑縱大觀
日色朦朧騰海底
辰光隱隱出雲端
禪心到處毫無繫
登眺因知八表寬

千步沙

尺尺龍宮淨土賒觀音大士種蓮花踏開
東海鯨鯢穴造就西天佛祖家步步凌虛
雲疊錦重重顯應日爭華登臨自與尋常
別鳥跡分流金布沙

海潮菴

孤絕逢生彼岸高誅茅闢土鮮秋毫瞻依
蓮座心長住徙倚蒲團性益陶潮去潮來
隨我住雲舒雲卷任他勞庵前老衲忘昏
曉藉得經聲壓巨鰲

潮音洞

洞霄山空納海潮那妨盈縮百川朝追隨
日月宣天樂馳騁風雷奏地韶洪似長驅
奔鐵騎纖如對壘擊鳴刁大都提醒空王
夢鐘鼓聲中破寂寥

寶陀寺

補陀山踞海門東界限民夷日月中舍利

光浮開寶刹菩提念切結琳宮雲團華蓋
元非幻雨散天花即是空莫謂當年被兵
火沙門重整仗皇風

三摩地

苦行思修底自摩摩頭斬却渡恒河諸天
盡靜祛塵土百慮俱空挽泰和水遠山長
龍戲鉢風清月白鳥歸窠淨竝楊柳從前
灑紫竹林中覓補陀

補陀洛伽山

管大勳

號慕雲鄞縣人見
任廣東左布政使

霧出信奇絕幻出海之東煌煌大士居兀
兀巨浸中闢崖啓金碧劈濤開鴻濛祥光
浮鷲嶺白雲護蛟宮巒壑既幽邃石洞亦
玲瓏嶺秀梅檀木林深紫竹叢千步踏沙
黃十里漾蓮紅夷曠盤陀石清峭香爐峯
天門倚星漢潮音雜梵鐘海日沒復出水

月照還空浩劫三摩地懸崖八面風神境
隔囂凡勝蹟渺難窮山僧成智果佛法有
圓通從來海上山到處寄僊踪壺嶠烟霞
裏桃花咫尺逢吾將浮于海冥心歸禪宗
附補陀十二景
孤嶼踈梅海色新從無攀折自藏真名山
歲歲饒春意猶憶當年避世人

梅灣春曉

茶山夙霧

遠岫霧氛曉未開虛疑蜃氣結樓臺須臾
海藏卿雲現曾是真如色相來

古洞潮音

巉崖激激海潮生洞口無雲雷自鳴水何
龍宮常作嘯僧來禪室不聞聲

龜潭寒碧

靈物何緣隱石龕西風涼月照澄潭千秋

呵護三韓使漫引星槎渡海南
靈軍不煉

天門清梵

淡月疎星傍石扉碧壇講席磬
聲微漏深
仙樂空中度知是如來海上歸
白鳥不回

盤陀曉日

赤曜輝輝浴海波山僧夜夜上
盤陀悟來
一點霧光似空澈常生慧覺多

千步金沙

白馬馱經到寶陀迴龍沙水抱
三摩霞明
日射星如洗風靜潮回金作坡

蓮洋午渡

浪煖花明海不渾都無芳艷並
香魂移舟
水濺叅差綠一一蓮花見世尊

香爐翠靄

爐峰日煖起氤氳渾似梅檀隔
水焚清淨
洋中消宿火大千世界只浮雲

鉢盂清灑

浩渺波心拳石扶傳來說法飯僧徒頭陀
會裏空三界盡取汪洋八一盂

洛伽燈火

海岸雲帆處處僧夜闌普照百千燈何人
獨守常明性應是禪家第幾乘

靜室茶烟

香厨石鼎響松風紫茸烟高日未紅僧入

定時常自在詎須雪水滌煩衷

寄題補陀寺

溫陵蔡貴易

號肖謙貴州參政
前任寧波郡守

憶昔分符日相依祗樹林天留最勝地佛
照不溜心海日蒼崖曉蓮花碧水深為民
遙頂禮願普恒沙金

補陀洛伽山二首

丁繼嗣

號禹門刑部
主事鄞縣人

天下名山說補陀孤懸海曲傍巖阿雲蒸
遠岬龍光躍日照層巒晨雲氣多晴晝幡幢
開霧靄清宵鐘磬起鼉鼉滄溟地僻人稀
到喜共胡僧逐隊過

其二

連朝吏役苦相纏此日皈依幸有緣謾說
西方來白馬且看東海吐青蓮清虛梵宇
慈雲繞錯落華燈寶月懸夜半空壇諸品

靜一聲海鶴唳霜天

補陀崖

秀巖李言恭

字惟寅盱眙人太子太保柱
國臨淮侯總督京營戎政

五嶽三山總浪遊法門高敞海天秋窻前
雲氣蛟龍起檻外波濤島嶼浮月映寶珠
明上界星隨燈火散中流黃塵白髮真無
賴彼岸慈航何處求

補陀洛伽二律

王之屏

號介石浙江左
叅政潁州人

寶陀說法定何年占斷娑婆水月天潮款
藥珠開玉闕峰攢華蓋擁金仙普門自是
莊嚴土彼岸誰登大願船但得海波常不
沸好憑慧日照三千

其二

正法如來世所尊東洋佛土至今存聞思
修入三摩地普度弘開衆妙門玉浪一天

飛霽雪金沙千步閃朝曦祝釐最近扶桑
日寶藏光涵

聖主恩

印法華經歌

并序

沈一貫

龍伯貞雅士也佐余郡有聲然時有入
道之心焉一日過補陀勘事而疑僧衆
之不齊也取法華一函焚之馳之超焉

卷五
王之屏號介石浙江左叅政潁州人

寶陀說法定何年占斷娑婆水月天潮歎
藥珠開玉闕峰攢華蓋擁金仙普門自是
莊嚴土彼岸誰登大願船但得海波常不
沸好憑慧日照三千

其二

正法如來世所尊東洋佛土至今存聞思
滲入三摩地普度弘開衆妙門玉浪一天

飛霽雪金沙千步閃朝暎祝釐最近扶桑

日寶藏光涵

聖主恩

印法華經歌并序

沈一貫

龍伯貞雅士也佐余郡有聲然時有入
道之心焉一日過補陀勘事而疑僧衆
之不齊也取法華一函焚之駢之超焉

以徵信夢神人傳佛自曰奉道毀道罪
當不宥罰作三石牛齋官蓋冥官也伯
貞頓首祈而山有大智師者亦助之懺
良乂始免已夢告者曰欲償經乎用百
當一於是伯貞就余家印法華百以進
從此嚮道弥篤矣異哉大士之示靈有
赫而伯貞之回心速也余欲成其美為
贊一辭篇末數言蓋老氏絕棄之謂釋

子呵罵之談莊生所謂非過孝之言不
及孝之言也伯貞得無變虎色乎毀道
有罪戲論亦有罪余烏乎敢君請勿疑
楚中山川絕天下龍侯稟其最奇者為吏
不肯兄龔黃為文又欲家班馬來官我郡
近四年手披口決如湧泉細民怙之為二
天老吏吐舌不敢前遍搜至人作師友布
衣窮巷常周旋心好山水幽勝處攀蘿躡

不問法何止 卷五 四六
磴栖青烟當年曾讀叅同契飄飄度幾試
其事掛壁蒲團代象林赤腳漢童當家累
龍侯龍種靈且幻幻出人心家神異郡中
佛域補陀巖五臺峨眉足三靈蹤中廢
比興復四方趨赴負且擔叢林人多訟事
起不辭揚帆入海水指揮劈畫具有條鱗
次綺分端可儼總為衛佛心太殷欲吸海
水澆羶葷自爇金函作盟呪羣駟僧衆凌

烟雰目見千里不見睫手欲渡人先浪涉
未睹如來騰玉毫已見常馱按金鉢病中
忽自繫南冠定裏俄成白骨觀敕遣冥中
作牛吏誰堪世上為龍官新從下土不知
體願此愚誠良不昧智師助懺懇且哀蜿
蜿癡龍此時蛻為余敬乞蓮華百因師上
贖如山大世人且莫輕癡龍慈恩慧愛於
君鍾巖父何曾答路子聖人詎肯呵凡庸

龍侯生還未是還大還還在蓬池間修士
自能遵覺路宗師也不逃深山焚却木人
乳卻海此時歡笑黃金顏

再遊補陀山用李臨淮韻

龍德孚

蓮部金沙兩度遊潮音明月水雲秋蛟龍
法雨風濤湧島嶼香烟日夜浮宗派萬川
元會海普門孤柱此中流人天自有三摩
地方丈蓬壺何處求

其二

逍遙海上采真遊一葉汪洋萬頃秋覺路
始知人世幻虛舟何異此生浮山懸絕岸
渾無際水接長空不盡流七寶莊巖定何
處可容半偈得相求

扶病登舟拜辭大士蓮座無謝大智
上人口占一首

前人

一病十日幾不起尋聲救苦恩何深持鉢
長齋參繡佛掛冠奉道望梅岑水月色原
天上色海潮音勝世間音遠公別去應相
念萬里長空共此心

病歸舟中東報四明知已

前人

九死一生日孤身萬里秋憑將決絕行慰

此道遙遊浮到海窮處臥觀天盡頭慈舟
勞拔濟彼岸是明州

贈朝陽禪師

前人

殿中緋蟒至尊前辭陞來參水月禪卓錫
茶山窠高處扶桑五色定中烟

又

前人

補陀高處是茶山
仄徑巉崖不易攀
忽聽磬聲雲外落
始知絕巘有禪關

寄題補陀

華亭陳鉅昌

字懿卜

震旦初開別有天
分明海岬是孤懸
龍宮時現黃金相
蛟窟曾開白玉蓮
風阻夷航留大士
烟消丹鼎憶梅仙
葛藤欲斷知何日
捧鉢來登般若船

望補陀山

上虞顧克

我家世漁瀛海東
烟波滿眼青濛濛
我生夙抱探竒癖
十洲五嶽期過從
金閨一旦謬通籍
矯首滄洲思無極
馮誰寄我仙山圖
開卷神飛渺南國
秋濤灑瀚秋雲賒
紫翠中浮小白花
瑤光遠映三摩地
金色平鋪千步沙
蛟宮鰲極出
巖巖寶相珠纓示

神異慧炤孤縣震旦中慈航飛渡閻浮際
一襟水月共澄鮮真歇閑頭好息緣泡瀑
河山忽明滅恒沙世劫幾逃禪馬首京塵
幾十丈西風吹滿青袍上苦海溟溟日望
洋津梁只尺徒神王題緘為報大將軍莫
椽磯頭白鳥群他日浮查指南海相携同
禮白巖雲

補陀山詩一律

山陰螺泉俞近思

何嘗飛錫謁如來日麗空明法已胎普度
有津離幻海慈悲無量陟崇臺慧燈五色
籠祇樹梵鏡重輪燭上台檻外龍宮看不
極青蓮妙果此中裁

聞大智融禪師遷化

五臺居士陸光祖

道行純全數智師補陀功用更稱竒一朝

拍手西歸去衣鉢真傳付阿誰

寄輓大智上人

須頭陀懶龍德孚

我從南都來公向西天去離此殼漏子相
會什麼處震旦三道場卓錫經年住戒律
苦精嚴頑冥仗陶鑄四大偶合身如露亦
如霧萬劫本來空諸緣一塵聚紹隆三寶
緣了却輪迴路淨土九蓮生長江一葦渡

結成大智果種遍菩提樹無數恒河沙普
願衆生度

登補陀二首

董雲 錢塘逸人

五兩蜚颿訪洛伽寶陀元隔海之涯憐於
絕處標孤格宛在中央檀一家雨湔軍持
驚灑柳雲籠舍利眩生花清涼積雪峨眉
月詎勝梅岑夕照霞

又

第一竒觀是此林無邊水月印禪心洋中
蓮色呈空色洞裏潮音撼世音隨喜我將
開紫竹給孤誰復布黃金人間萬化歸塵
劫大海名山自古今

偶賦補陀洛伽山二律

仁和金階御史

聞說蓬瀛東海中更瞻南海結蛟宮千尋

浪拍潮音洞萬疊雲攢紫竹叢縹緲鶯飛
昭化跡紛紜蓮焰布靈通若非應澤垂千
古安得週天共謁崇

又

嶺岼一島海濤中何日靈英起佛宮像據
雲霞開闔處僧居日月吐吞叢神光爛爛
時時見福庇週迴在在通登海蜃樓雖妙
絕能如此地更嚴崇

夢遊補陀一首

葛曉 號雲嶽山人

水國稀微古殿開
天空夜靜海潮來
摩尼始覺明真性
參禮行常學善財
不返秦皇嗟藥草
轉憐漢武企蓬萊
何如此地求聲聞
遂上瓊樓碧玉臺

渡補陀

釋本誠 覺度苾芻

折蘆渡海上蓬萊
雲鎖天門塵拂開
石洞潮生推月出
梅檀香細逐風來
眼前佛國超三界
塔頂靈光照九垓
惠謬遺踪盤石古
南詢童子幾嘗回

再登寶陀寺

董雲

我欲澄萬慮
竭來叩叢林
兀然一水中
四顧無馳心
僧定未聊試
已超洪壺音
瑠波

蕩二鳥浩劫臨清深若木渺何際崦嵫復
安尋陰陽鉅爐炭鑄出竒梅岑大士愛不
去名霧傳至今吾真誰處養舍此非所欽
獨立遺身世海天靜浮露



